

HEILBRON

HERALD

IF IT'S NOT IN THE HERALD, IT IS ONLY A RUMOUR

Bekende brandweerhoof lê ná 30 jaar sy uniform neer

Vir inwoners van Heilbron is Dawid Rossouw 'n bekende gesig. Wanneer 'n brand uitbreek of 'n ernstige ongeluk plaasvind, was hy byna altyd een van die eerstes op die toneel om hulp te verleen. Ná bykans 30 jaar aan die stuur van die Heilbron-brandweer lê hy nou sy uniform neer.

Rossouw se loopbaan in die munisipale diens het in 1989 begin toe hy van Wepener na Heilbron verhuis het. Hy is as behuisingsbeampte in Phiritona aangestel en het in 1994 die pos van Stadsklerk in Phiritona bekleed. Twee jaar later, in 1996, is hy as hoof van die Heilbron-brandweer aangestel – 'n pos wat hy met toewyding en passie bekleed het tot sy aftrede aan die einde van Julie 2026.

Nog voordat hy die leisels van die brandweer oorgeneem het, het Rossouw reeds as vrywilliger by die staatsambulansdiens hulp verleen. Sy passie om mense in nood te help, het hom deur sy hele loopbaan gekenmerk.

Buiten sy nooddienswerk het Rossouw ook 'n besondere band met die gemeenskap opgebou. Hy het gereeld skole en kleuterskole besoek waar hy kinders oor brandveiligheid en noodprosedures ingelig het. Vir talle jong inwoners was 'n rit in die helder rooi brandweerwa saam met Dawid 'n hoogtepunt wat hulle nooit sal vergeet nie.

Kollegas en inwoners beskryf hom as iemand wat altyd bereid was om sy gemeenskap eerste te stel. Of dit nou dag of nag was, wanneer die noodroep gekom het, was Rossouw gereed om uit te ry.

Met sy aftrede sluit 'n belangrike hoofstuk in Heilbron se geskiedenis af. Hoewel sy dae van nooduitroepe nou verby is, laat Dawid Rossouw 'n nalatenskap van diens, omgee en toewyding agter wat nog lank onthou sal word.



VKB Heilbron

TURNING ONE

28 August 2026

WATCH THIS SPACE

Plot 1668, Ploas Moorville
Heilbron, 9450

vkb

HANDEL

Follow the following link
to be part of the VKB
"My Heilbron" townproject!

For more information contact:
Pieter Bronkhorst - 058 852 3499

BKB

The Trusted Home of Agriculture
Die Betroubare Tuiste van Landbou

FRANKFORT WEEKLIKSE VEILING

Donderdae - Royal Auction Centre

Vir kraalbesprekings en inskrywings, skakel:
Stiaan Smit: 067 596 2491

*Waar sake elke keer.
die eerste keer.
reg geding word!*

NOVON PROTECTA

Johnny Claassen - 082 779 3417

JCB

Vir al jou chemie en kunsmis behoeftes!

HIGH FERT Hf KUNSMIS

Eben Claassen - 072 581 7627

Gesondheidsbewusmaking plaas fokus op welstand en voorkoming

Gesondheid is een van die waardevolste bates wat 'n mens besit, en daarom word verskeie gesondheidsbewusmakingsveldtogte jaarliks wêreldwyd aangebied om mense aan te moedig om ingeligte besluite oor hul welstand te neem.

Gedurende Julie is die kollig op geestesgesondheid en hepatitisbewusmaking geplaas, terwyl Augustus op vrouegesondheid en Wêreldborsvoedingsweek, wat van 1 tot 7 Augustus plaasvind, fokus.

Geestesgesondheid vorm 'n belangrike deel van elke persoon se algemene welstand. Dit beïnvloed hoe mense dink, voel en optree, asook hoe hulle die uitdagings van die alledaagse lewe hanteer. Volgens gesondheidskenners ervaar miljoene mense wêreldwyd toestande soos angs en depressie, maar

baie huiwer steeds om hulp te vra weens die stigma wat dikwels daarmee gepaardgaan.

Bewusmakingsveldtogte moedig mense aan om openlik oor geestesgesondheid te praat en professionele hulp te soek wanneer hulle vir lang tye oorweldig, angstig of moedeloos voel. Familie, vriende en die gemeenskap speel ook 'n belangrike rol deur ondersteuning te bied aan mense wat sukkel.

Op 28 Julie is Wêreldhepatitisdag herdenk. Hepatitis is 'n ontsteking van die lewer wat deur verskillende virusse veroorsaak kan word en soms vir jare geen duidelike simptome toon nie. Indien dit nie betyds opgespoor en behandel word nie, kan dit tot ernstige lewerskade lei.

Gesondheidswerkers beklemtoon die

belangrikheid en voorkoming deur inenting waar dit beskikbaar is, veilige mediese praktyke en vroeë toetsing vir mense wat moontlik aan die virus blootgestel is. Vroeë diagnose en behandeling verbeter die kans op 'n gesonde en normale lewe aansienlik.

Met Augustus wat nader kom, verskuif die fokus na vrouegesondheid. Gereelde mediese ondersoeke, 'n gesonde leefstyl en voorkomende siftingstoetse bly van die belangrikste maniere waarop siektes vroeg opgespoor en suksesvol behandel kan word. Kenners moedig vroue aan om nie hul eie gesondheid af te skeep terwyl hulle na hul gesinne omsien nie.

Van 1 tot 7 Augustus word Wêreldborsvoedingsweek gevier. Die week vestig die aandag op die belangrike rol wat borsvoeding speel in die gesondheid en ontwikkeling van babas.

Borsmelk voorsien babas van die nodige voedingstowwe en teenliggaampies wat hul immuunstelsel help versterk, terwyl dit ook voordele vir die moeder se gesondheid inhou.

Gesondheidsinstansies beklemtoon dat moeders wat ondersteuning of raad oor borsvoeding nodig, nie moet huiwer om hulp by hul plaaslike kliniek, verpleegkundiges of ander gesondheidswerkers te vra nie.

Bewusmakingsveldtogte soos dié herinner die publiek dat goeie gesondheid nie net die afwesigheid van siekte beteken nie, maar ook die versorging van liggaamlike, geestelike en emosionele welstand. Deur ingelig te wees, voorkomende ondersoeke te ondergaan en betyds hulp te soek, kan individue en gesinne saam bou aan 'n gesonder toekoms.

UIT DIE PEN:

Week 31

Vuur en vlam. Olie op die vuur. En voor jy jou kom kry, is daar 'n hele woerdeoorlog wat voor jou oë af speel. Net omdat mense se geaardhede verskil.

Mense kan mekaar op die vreemdste maniere irriteer. Nie omdat hulle slegte mense is nie, maar omdat hulle... anders is. As iemand ooit vir jou sê mense is almal eintlik dieselfde, nooi hom na 'n familiebraai. Teen die tyd dat die eerste tjoppie op die vuur lê, sal hy besef mense verskil meer van mekaar as bloot net hulle eetgewoontes.

Daar is altyd Kaptein Steyn. Jy herken hom maklik. Hy klim uit sy bakkie nog voordat die enjin afgeskakel het en vra: "Wie het die vuur aangesteek?"

"Ek," antwoord iemand trots. Kaptein Steyn kyk dan na die kole soos 'n chirurg wat ontdek iemand het met 'n stomp bottermes geopereer. "Nee, kom ek leer jou. Staander ander kant toe." Dan vat hy die tang, skuif die hout rond, blaas dramaties op die kole en sê: "Dis nou hoe 'n mens vuur maak."

Nie dat iemand gevra het nie.

Aan die ander kant van die tuin staan Mevrou Perfek. Sy is besig om die slaai bakke in perfekte simmetrie te rangskik. "Die tamaties en komkommer moet in die middel wees. Sit dan die brood hier so. Nee, wag, wie is so simpel om die beetslaai langs die aartappelslaai sit? Dis nie *feng shui* nie." Sy praat van groente asof hulle emosionele trauma gaan ontwikkel.

Dan kom *Worrie Niks* aangestap. Veertig minute laat. Met leë hande. "Die verkeer was 'n nagmerrie." Hy woon vyf huise verder. Hy kyk na die tafel. "Het iemand ys gebring?" Almal kyk na hom. Hy glimlag. "Ek vra maar net."

Mevrou Perfek haal hoorbaar asem deur haar neus. En toe arriveer die twee gevaarlikste mense van die dag. Nie die Kaptein Steyn nie. Nie Mevrou Perfek nie. Nee. Die Onderbrekers.

Hierdie twee glo vas dat 'n gesprek nie bedoel is om klaar gepraat te word nie. Hulle luister net lank genoeg om te besluit hoe hulle jou gaan onderbreek. Anna begin die gesprek.

"Ek onthou toe ons verlede jaar..." "Nee, wag!" spring Sanna in. "Dis niks. Luister hier..."

"Sanna, ek was nog besig." "Ja, maar jy gaan nou die storie verkeerd vertel."

"Hoe weet jy? Ek het nog nie eers..." "Presies!"

"Kan ek klaarpraat?" "Dis wat ek probeer doen!"

Vyf minute later weet niemand meer waarom die gesprek gegaan het nie. Anna en Sanna gesels nog steeds met happies inligting.

Frieda Vredesduif probeer ingryp. "Ag nee wat, julle het seker albei 'n punt..."

"Nee!" sê Sanna. "Presies!" sê Anna. "Jy sien?" sê Sanna. "Nee, jy sien!" antwoord Anna.

Teen hierdie tyd eet die res van die familie maar stilweg knoffelbrood. Dis veiliger.

Wessel Wetenskaplik besluit om orde te bring. "Interessant genoeg wys navorsing dat mense mekaar onderbreek omdat..."

"Nee, dis nie hoekom nie!" sê Anna. "Luister eers!" sê Sanna.

Wessel Wetenskaplik gee op. Vir die eerste keer in sy lewe. Later vra iemand die eenvoudigste vraag denkbaar. "Wie wil koffie hê?" Nou sou jy dink dis 'n maklike vraag sonder konflik.

Die Kaptein Steyn sê: "Maak somer vir almal." Mevrou Perfek vra: "Is dit filterkoffie of kitskoffie?" *Worrie Niks* sê: "Ek drink enigiets." Tien sekondes later: "Ag nee, nie kits nie."

Wessel Wetenskaplik begin verduidelik hoe koffie oorspronklik uit Ethiopië kom. Niemand het gevra nie. Die Onderbrekers probeer terselfdertyd vertel van die beste koffiewinkel waarin hulle nog ooit was.

"Nee, daai plek in Clarens..." "Nee, nee! Die een in Dullstroom..." "Jy was nie saam nie." "Ek hoef nie saam te wees om te weet nie." "Dis omdat jy altyd..." "Jy onderbreek my!" "Jy hét my eerste onderbreek!"

Frieda Vredesduif drink somer tee. Dis eenvoudiger. Teen sonder besluit iemand dis tyd vir 'n groepsfoto. Nou sien jy persoonlikhede in volkleur. Die Kaptein Steyn staan voor.

"Laat ek gou vir julle elkeen 'n plekkie kry." Mevrou Perfek trek mense drie sentimeter links.

"Nou lyk dit reg."

Net voordat die foto geneem word, verdwyn *Worrie Niks*. Vir twaalf minute. Met sy selfoon en die gasheer se WiFi wagwoord.

Die Sirkusnar maak hasie-ore agter ander se koppe. Elke keer. Selfs agter Ouma. Die fotograaf tel af. "Drie..." "Wag!" skree Mevrou Perfek. "My serp sit skeef."

"Twee..." "Wag!" roep *Worrie Niks* van binne die huis. "Moenie begin nie!"

"Een..." "Wag!" sê Anna. "Ek wou nog iets sê." "Nee, wag!" antwoord Sanna. "Ek eerste!"

Die foto wys uiteindelik twaalf mense waarvan ses glimlag. Twee argumenteer. Een kyk ondertoe. Een se oë is toe. Een is op sy selfoon en 'n ander kou oopmond. En *Worrie Niks* verskyn net as 'n vae figuur wat met sy rug na die foto staan.

Op pad huis toe is elke gas in sy eie gedagte-wêreld.

Kaptein Steyn dink: "As ek nie daar was nie, sou niks gewerk het nie."

Mevrou Perfek dink: "Ek wonder of hulle ooit gaan leer om servette ordentlik neer te sit."

Worrie Niks dink: "Volgende keer gaan ek vroeër ry."

Wessel Wetenskaplik wonder steeds waarom Anna vir Sanna onderbreek het. Hy gaan waarskynlik later vanaand daarvoor oplees.

Anna dink sy het gewen. Sanna dink sy het gewen. Niemand anders weet eens wat die argument was nie.

En Die Sirkusnar stuur daardie aand 'n boodskap op die familiegroep: "Dankie vir die lekker dag. Volgende keer huur ons somer twee mikrofone vir Anna en Sanna, dan kan hulle mekaar professioneel onderbreek."

Vir die eerste keer die hele dag is almal stil. Vir presies vyf sekondes. Toe antwoord Anna:

"Dis nie hoe dit gebeur het nie..." Waarop Sanna onmiddellik reageer: "Wag, laat ek jou reghelp..."

Ek het hierdie week geleer dat sommige persoonlikhede nooit verander nie. Hulle word net ouer.

Dis miskien hoekom families tog bymekaar bly. Nie omdat ons dieselfde is nie, maar omdat elke botsing uiteindelik nog 'n storie word wat by die volgende braai oorvertel word.

Sirkel S Simbras-produksieveiling toon sterk aanvraag

Sirkel S Simbras se vierde produksieveiling, wat op 21 Julie 2026 aangebied is, het uitstekende pryse opgelewer. Altesaam 42 Simbra-bulle is verkoop teen 'n gemiddelde prys van R89 047,62, met die hoogste bod van R190 000.

Onder die kommersiële diere het 69 dragtige verse 'n gemiddelde van R23 199,28 behaal, terwyl 42 dragtige koeie gemiddeld R21 119,05 verkoop het. Negentien kommersiële koei-en-kalf-eenhede het gemiddeld R24 973,68 behaal.

Die twee Simbra-verse is elk vir R26 000 verkoop, terwyl agt Simbra-dragtige verse 'n gemiddelde van R37 000 behaal het, met die hoogste pryse van R40 000. Die veiling is deur Vleissentraal aangebied, met Ian Grobbelaar as afslaaer.

SIRKEL S

SIMBRAS

4de PRODUKSIEVEILING

Dinsdag, 21 Julie 2026 • 11:00 • Plaas Bloemhof, Heilbron

527°17'05.1" E 28°12'44.2"

50 STOETBULLE
11 DRAGTIGE STOETVERSE
170 KOMMERSIEEL VROULIK

Vir enige nuus en advertensies vir die
Heilbron Herald
Kontak Hendie 058 852 3033 of
heraldnuus@heilbron.co.za
Elsstraat 44, Heilbron

Oos-Vrystaat boer onder die beste by Lamb Champs



Die Oos-Vrystaat het sy staal gewys tydens vanjaar se Lamb Champs Pretoria wat op 25 Julie plaas gevind het, waar 110 skaapkarkasse van regoor Suid-Afrika beoordeel is. 'n Besondere prestasie is behaal toe vier van die top ses plekke deur produsente uit die Oos-Vrystaat ingeneem is. Jaco Muller van Frankfort het die 3de plek behaal, Tsaats Hattingh van Heilbron was 4de, terwyl A.T. Bibbey en Eric Bibbey, albei van



Frankfort, onderskeidelik 5de en 6de geëindig het. Van Rooy Dorpers wat in die Riemalnd bekend is vir hulle uitstekende vleis, het ook nog 'n hoogtepunt by die geleentheid ervaar toe Lot 51, 'n 25,5 kg-skaapkarkas, tydens die Lamb Champs-bokslamveiling vir 'n indrukwekkende R50 000 verkoop is. Die uitsonderlike veilingprys getuig van die uitstekende gehalte van die karkas en was die kroon op 'n baie suksesvolle Lamb Champs vir die

TOP 10

LEKKERSTE LAMSVLEIS

PRETORIA 26'

1. GERHARD EN JANI LOURENS

2. DAAN EN THARIN MALAN

3. JACO MULLER

4. TSAATS HATTINGH

5. AT BIBBEY

6. ERIC BIBBEY

7. JOHNNY PIETERS

8. TUANE VENTER

9. ANDREW PELSER

10. BEN DU PLESSIS

11. WILLIE GELDENHUIJS

12. HANNES VAN STADEN

13. GYSBERT SNYMAN

14. MATTHYS SNR FOURIE

15. HARRY MEYER

16. NIC JOOSTE

17. WOUTER DE BRUYN

18. VICTOR SIKWARI

span. Die uitslae beklemtoon weereens die Oos-Vrystaat se vermoë om van Suid-Afrika se beste gehalte lamsvleis te produseer en bevestig die streek se uitstekende reputasie in die skaapbedryf.

Huppel Trippel laat Julie speel-speel agter



28 Julie was 'n speeldag by HT. Van 'n "Donkey derby" wat met toiletpapier gedoen is tot 'n "Vang-'n-bord" met 'n boontjiesakkie, is gespeel. Intussen was daar 'n baie vermaaklike "Doen-wat-ek-sê,-maar-moenie-doen-wat-ek-doen-nie" gespeel. Wenner is beloon met 'n tjoklit; maar verloorders was die ontvangers van 'n suurwurm. Oor twee weke, op 11 Augustus, is die program se titel: Lagdag. Die program sal bestaan uit allerhande lekker lawwe dinge wat mens laat lag.



CUSTOM TEMPERED GLASS SPLASHBOARDS

PROTECT YOUR WALLS. ELEVATE YOUR KITCHEN.

HEAT RESISTANT

EASY TO CLEAN

DURABLE & STRONG

100% CUSTOM DESIGN

Heilbron Herald

058 852 3033

WE DESIGN. WE PRINT. WE INSTALL.

BRANDING THAT STICKS.

R80

set of 4

CUSTOM

Glass Sublimation Coasters

Herald

heraldgraphics2@heilbron.co.za

066 056 1606

HET

5 SAKKIES

72-66BR

SAAD TE KOOP!

✓ HOË OPBRENGS

✓ STERK EN BETROUBAAR

✓ GESKIK VIR VERSKEIE GROEITOESTANDE

TEEN

R6 700

/SAKKIE

Roundup Ready 2

YieldGard

MAIZ 2

063 821 7389

KLEUTERKASTEEL

Waar groei begin!

Bronnies eindig vierde onder die Vrystaat se beste

Hoërskool Heilbron se O/19A-netbalspan het onlangs aan die VKB B-liga Vrystaat-netbaltoernooi in Reitz deelgeneem. Die toernooi het van die sterkste skole in die provinsie gelok, met 50 netbalspanne wat oor die naweek in aksie was. Die Bronnies het deurgaans uitstekende netbal gespeel en die toernooi in 'n verdienstelike vierde plek in die Vrystaat afgesluit – 'n prestasie waarop die spelers, afrigters en die skool met reg trots kan wees.

Rudie presteer tydens Rhino Week



Rudie Jonker leerder van Hoërskool Heilbron het gedurende die skoolvakansie aan die gesogte Rhino Week-rugbytoernooi in Vanderbijlpark deelgeneem.

Hy is vir die O/12 Raptor-span gekies en het as losskakel uitgedraf. Rhino Week bring jaarliks van Suid-Afrika se belowendste jong rugbyspelers bymekaar en bied hulle die geleentheid om hul talent op 'n hoë vlak ten toon te stel.

Rudie se deelname aan dié toernooi is 'n besondere prestasie en getuig van sy harde werk, toewyding en talent op die rugbyveld.



Rioolprobleme wek kommer onder inwoners

Inwoners van Sandersville en ander dele van Heilbron spreek toenemende kommer uit oor rioolwater wat vir lang tye in woonbuurte opdam. 'n Plasing op sosiale media wys hoe rioolwater by Kearabetswe Primary School vloei, met inwoners wat vrees dat die situasie 'n gesondheidsrisiko kan inhou. Die probleem is egter nie tot Sandersville beperk nie. Verskeie huise in Heilbron ervaar soortgelyke probleme. 'n Inwoner van Vegkop moes byvoorbeeld byna 'n maand lank met 'n opgestopte drein wat oorstroom saamleef, ondanks talle klagtes wat by die Ngwathe Plaaslike Munisipaliteit aangemeld is. Die water het tot in die bure se erf ingeloop. Die probleem is eers Dinsdag herstel. Inwoners doen 'n beroep op die munisipaliteit om vinniger op rioolverstopings te reageer om gesondheidsgevaare en verdere skade aan eiendom te voorkom.

Bronnies se Golfdag bring gemeenskap bymekaar

Die Bronies Kleuterskool se jaarlikse golfdag, wat Saterdag by die Heilbron Golfklub aangebied is, was 'n groot sukses en het spelers, gesinne en ondersteuners vir 'n

dag van sport, pret en samesyn bymekaar gebring.

Die dag is gekenmerk deur 'n heerlike gesinsatmosfeer waar oud en jonk saam kon kuier en die verrigtinge geniet. Een

van die hoogtepunte was die deelname van inwoners van Huis Bron van Heil, wat met groot entoesiasme deelgeneem het. Hoërskool Heilbron het ook hul ondersteuning getoon en bygedra tot die besondere gees van die dag.

Daar was heelwat pryse op die spel, wat vir opwinding op die baan gesorg het. Die deelnemers het uitstekende golf gespeel en die wenners is met welverdiende pryse beloon.

Die organiseerders verdien besondere lof vir 'n puik en professionele aanbieding. Alles het vlot verloop en die dag was 'n toonbeeld van goeie beplanning en samewerking.



Op die foto vl: Annemarie Hayward en Rudie Jonker.



Op die foto vl: Annemarie Hayward en Louise van Staden.



Op die foto vl: Annemarie Hayward en Yonuscha Prinsloo.



Op die foto vl: Annemarie Hayward en Nathan Kotze.



Op die foto vl: Shaun en Annemarie Hayward en Christelle Adlem.

OK MiniMark

Villiers & Heilbron

VAKATURES

DELI / RESTAURANT BESTUURDER

VEREISTES:

1. Ervaring in Deli en Restaurant bestuur
2. Voorliefde vir kosmaak
3. Ervaring in personeel bestuur
4. Rekenaarvaardigheid

Aangenome werksomstandighede en 'n mededingende salaris word aangebied.

Slegs skriftelike aansoeke sal oorweeg word.

Stuur CV's na:

admin7@okbultfontein.co.za

SLUITINGSDATUM: 7 Augustus 2026

KENNISGEWINGS

KENNISGEWING AAN DEBITEURE & KREDITEURE

In die boedel van wyle **CORNELIS WILHELMUS ELS**, Identiteitsnommer 381231 5013 08 1, Wewenaar, wie woonagtig was te Huis Bron-van-Heil, Distrik Heilbron, provinsie Vrystaat, wie oorlede is op 8 Mei 2026, **Boedelnommer 004164/2026**.

Krediteure in genoemde boedel word hiernoe aangese om binne 'n tydperk van 51 (Een-en-Vyftig) dae vanaf 10 Julie 2026 hul eise teen die boedel in te stel en debiteure word versoek om hul skulde binne genoemde tyd te betaal.

JG POTGIETER & VENNOTE INGELYF BREESTRAT 33

POSBUS 199, HEILBRON, 9650
GEREGISTREERDE OUDITEUR

KENNISGEWING

Kennisgewing in die **BOEDEL VAN WYLE MATTHYS JOHANNES BEYERS**, Identiteitsnommer 350818 5018 08 1, in lewe 'n Pensionsaris, woonagtig te Eenheid 3, Die Meent, Reitz, 9810, 'N Wewenaar.

DATUM VAN AFSTERWE: 18 FEBRUARIE 2023
BOEDELNOMMER: 002744/2023

Kennis geskied hiernoe dat die Eerste en Finale Likwidasië- en Distribusierekening in bostaande boedel ter insae sal lê by die kantore van die Meester van die Hooggeregshof, Bloemfontein, en die Landdros te REITZ vir 'n periode van 21 (Een-en-Twintig) dae vanaf datum van hierdie kennisgewing.

Indien geen besware daarteen by die Meester van die Hooggeregshof of by die Landdros binne die gemelde tydperk ingedien word nie, sal die Eksekuteur tot die uitbetaling daarvolgens oorgaan aan Debiteure en Krediteure om bedrags aan die boedel verskuldig te betaal en eise teen die Boedel in te dien binne 30 (Dertig) dae vanaf publikasie hiervan by onderstaande adres:

MNRE BLIGNAUT & WESSELS
SAREL CILLIERSSTRAAT 29
POSBUS 6, REIT, 9810

Vorm JJJ

VERLORE OF VERNIETIGDE TITELBEWYS

Hiernoe word kennis gegee dat kragtens die bepaling van regulasie 68 van die Registrasie van Aktes Wet, 1937, dit die voorneme is om aansoek te doen om die uitreiking van 'n gesertifiseerde afskrif van **Transportakte T4181/2010** gepasseer deur Die Eksekuteur in die **BOEDEL WYLE IZAK BARTELOMEUS CRAFTORD**, **NOMMER 7993/2006** en die Eksekuteur in die **BOEDEL WYLE HEUBRECHT ELIZABETH TALJAARD CRAFTORD NOMMER 2244/2009**, ten gunste van **SAREL JACOBUS CRAFTORD**, **IDENTITEITSNOMMER 590315 5144 082**.

Gietoud Buite Gemeenskap van Goed ten aansien van **1. PERSEEL 14, WELTEVREDEN NEDERSETTING, DISTRIK KOPPIES, PROVINSIE VRYSTAAT** GROOT: 3,7420 (DRIE KOMMA SEWE VIER TWEE NUL) HEKTAAR
2. PERSEEL 11, WELTEVREDEN NEDERSETTING, DISTRIK KOPPIES, PROVINSIE VRYSTAAT GROOT: 1,2848 (EEN KOMMA TWEE AGT VIER AGT) HEKTAAR
3. PERSEEL 12, WELTEVREDEN NEDERSETTING, DISTRIK KOPPIES, PROVINSIE VRYSTAAT GROOT: 1,2848 (EEN KOMMA TWEE AGT VIER AGT) HEKTAAR
4. PERSEEL 13, WELTEVREDEN NEDERSETTING, DISTRIK KOPPIES, PROVINSIE VRYSTAAT GROOT: 1,2848 (EEN KOMMA TWEE AGT VIER AGT) HEKTAAR
5. PERSEEL 331, WELTEVREDEN NEDERSETTING, DISTRIK KOPPIES, PROVINSIE VRYSTAAT GROOT: 12,6296 (TWAALF KOMMA SES TWEE NEGE SES) HEKTAAR
6. PERSEEL 330, WELTEVREDEN NEDERSETTING, DISTRIK KOPPIES, PROVINSIE VRYSTAAT GROOT: 1,2300 (EEN KOMMA TWEE DRIE NUL) HEKTAAR
7. PERSEEL 332, WELTEVREDEN NEDERSETTING, DISTRIK KOPPIES, PROVINSIE VRYSTAAT GROOT: 4,8942 (VIER KOMMA AGT NEGE VIER TWEE) HEKTAAR

Wat verlore geraak het of vernietig is. Alle belanghebbendes wat teen die uitreiking van sodanige afskrif beswaar het, word hierby versoek om dit skriftelik in te dien by die Registrateur van Aktes: **VRYSTAAT te BLOEMFONTEIN** binne twee weke vanaf datum van publikasie van hierdie kennisgewing. Gedateer te HEILBRON op hede die 22ste dag van Julie 2026.

AANSOEKER:
AMANDA ANNE SCHUTTE
ADRES: 40 KERKSTRAAT, HEILBRON 9650
E-POS ADRES: aktesa@corven.co.za
KONTAKNOMMER: 058 852 2035

SELF-INKING STAMPS
SELF-INKING DATE STAMPS

Elsstraat 44, Heilbron
Tel: 058 852 3033

Office National

OCCUPATIONAL HEALTH AND SAFETY ACT, 1993
SAFETY ACT, 1993, as amended

Basic Conditions of Employment Act

NOW AVAILABLE AT OFFICE NATIONAL HEILBRON

Health and Safety Act
Employment Equity Act
Basic Conditions of Employment Act

44 Els Street, Heilbron
Tel: 058 852 3033

Herald

Office National

Vorm JJJ

VERLORE OF VERNIETIGDE TITELBEWYS

Hiernoe word kennis gegee dat kragtens die bepaling van regulasie 68 van die Registrasie van Aktes Wet, 1937, dit die voorneme is om aansoek te doen om die uitreiking van 'n gesertifiseerde afskrif van **Transportakte T15824/2012** gepasseer deur die Eksekutrice in die boedel van wyle **HENDRINA CECILIA HENNOP**, **Boedelnommer: 5342/2012** ten gunste van **1. ANNA CATHARINA HENNOP**, **Identiteitsnommer: 620905 0075 085**, **2. STEPHANUS HENNOP**, **Identiteitsnommer: 650614 5141 081**, **3. DANIEL JOHANNES HENDRIK HENNOP**, **Identiteitsnommer: 660908 5220 087**, ten aansien van

1. ERF 682 HEILBRON UITBREIDING 6, VRYSTAAT PROVINSIE
GROOT: 991 (NEGE HONDERD EEN EN NEGETIG) VIERKANTE METER
2. ERF 715 HEILBRON UITBREIDING 6, VRYSTAAT PROVINSIE
GROOT: 1011 (EEN DUISEND EN ELF) VIERKANTE METER

Wat verlore geraak het of vernietig is. Alle belanghebbendes wat teen die uitreiking van sodanige afskrif beswaar het, word hierby versoek om dit skriftelik in te dien by die Registrateur van Aktes te Bloemfontein binne twee weke vanaf datum van publikasie van hierdie kennisgewing. Gedateer te Heilbron op hede die 27ste dag van Julie 2026.

AANSOEKER:
AMANDA ANNE SCHUTTE
ADRES: 40 KERKSTRAAT, HEILBRON 9650
E-POS ADRES: aktesa@corven.co.za
KONTAKNOMMER: 058 852 2035

BESIGHEIDSURE

Maandae - Vrydae:
08:00 -16:30
Saterdag: 09:00 -12:00

POSTNET HEILBRON

Elsstraat 42, Heilbron
Tel: 058 853 0006

POSTNET HEILBRON

COLLECTION & DELIVERY

Between Heilbron And The Vaal Triangle
EVERY MONDAY, WEDNESDAY & FRIDAY

R150 per parcel

SASOLBURG

VEREENIGING

VANDERBIJLPARK

BETWEEN MEYERTON AND HEILBRON @ R200 PER PARCEL

heilbron@postnet.co.za | 058 853 0006 | 064 988 6078



SMALLS

Vir enige nuus en advertensies vir die

Heilbron Herald

Kontak Hendie 058 852 3033 of
heraldnuus@heilbron.co.za
Elsstraat 44, Heilbron

DIENSTE

BAAL / SNY & BAAL

Vir die maak van voer, vanaf sny tot baal of slegs baal. 1.2m bale (tou/net). Velde of wenakkers.

Petrus Steyn, Frankfort, Heilbron en Lindley.

KONTAK JACO MEIRING
082 851 8158 OF

PIET MEIRING 082 571 4181
peerlandhandel@gmail.com

BAAL / SNY & BAAL ...

Vir sny-, hark- en baalwerk.

Kontak Evert Kleynhans

072 018 3685
Heilbron



AUGERS

GRAANDAMME

SINKDAMME

BUNKERS

AFLAIBAKKE

Kontak:
Ryno 073 268 7565
ryno.dupno@gmail.com

BIBLIOTEEK OOP

Piercestraat 66 • Heilbron
Heilbron Biblioteek is VYF DAE
per week oop vir die publiek en die tyd is as volg:
Maandae tot Vrydae - 09:00 - 13:00
(Volwassenes) en 14:00 - 17:00 (Kinders)
Biblioteek is gesluit op Saterdag, Sondag & openbare vakansiedae.

GEKLASSIFISEERD

Die Heilbron Herald word uitgegee en gedruk deur die eienaars Heilbron Herald (Edms) Bpk, Elsstraat 44, Posbus 166, Heilbron

Tel: 058 852 3033/4/5
www.heilbronherald.co.za

E-POS ADRESSE

- Abrie Watson abrie@heilbron.co.za
- John Watson john@heilbron.co.za
- Winkel heraldwinkel@heilbron.co.za
- Kobus kobuss@heilbron.co.za (Wyeformaat produksiebestuurder)
- Silma marketing@heilbron.co.za
- herald@heilbron.co.za
- (Korporatiewe kler, oorpakke, kommersiële drukwerk ens.)
- WhatsApp Nr. 083 495 5512
- Carlen heraldgraphics1@heilbron.co.za - (Kommersiële drukwerk & koerantbydraes)
- Delareyz finance@heilbron.co.za - (Rekenings, state ens.)
- Christelle heraldoffice@heilbron.co.za - (Bestellings ens.)
- Hendie heraldnuus@heilbron.co.za - (Koerantbydraes)
- Marlene (Proeflees van koerant)
- Cara heraldgraphics2@heilbron.co.za - (Wyeformaat drukwerk, plakkers ens.)
- Elsabe heraldgraphics2@heilbron.co.za - (Wyeformaat drukwerk, plakkers ens.)
- WhatsApp Nr. 066 056 1601
- heraldnuus@heilbron.co.za - (Koerantbydraes, advertensies)

Koerant sirkuleer in Heilbron, Petrus Steyn, Frankfort, Reitz en asook digitaal versprei op Heilbron se Facebook-blad en webwerf.

Menings en opinies wat uitgespreek word in briewe en rubrieke, is dié van die individue en weerspieël nie noodwendig die siening van die redaksie nie.

HERALD Sport

Hoërskool Heilbron se eerste gholfspel

Hoërskool Heilbron het onlangs gholfs as 'n nuwe sport by die skool gevestig. Met organisering van juffrou Magdel Haasbroek en onder afrigting van die gholflede, het die skool se gholfs span Saterdag hul eerste toernooi tydens Bronnies Kleuterskool se Gholfdag gespeel. Die toernooi was 'n uitstekende begin vir die jong span, wat sommer met hul eerste deelname hul merk gemaak het. Verskeie Heilbron-leerders het uitstekende vertonings gelewer en met toekennings weggestap. Rudi Jonker is as wenner van die laerskoolafdeling aangewys. Nythan Kotze het die hoërskoolafdeling gewen en is ook as die beste seunspeler van die dag aangewys. Yonuscha Prinsloo het die dogtersafdeling gewen en boonop die toekenning as beste meisiespeler van die dag ontvang. Hoërskool Heilbron se gholfsprogram het met hierdie eerste deelname reeds sterk momentum gekry en die spelers is vasberade om op hierdie prestasies voort te bou in toekomstige toernooie.



Op die foto vl: Nythan Kotze, Henicho Reynolds, Rudie Jonker, Luhan Rossouw, Aiden Hayward, Stroeel Rossouw, Shandi Prinsloo en Yonuscha Prinsloo.

Kransfontein Resiesduif Klub

Op Saterdag, 25 Julie 2026 het Kransfontein Resiesduif klub vanaf Bethulie gevlieg en die duiwe is om 07:45 gelos en die wen duif is om 12:04 geklok op Reitz. Die afstand wat die wenduif gevlieg het was 381 kilometers. 9 Lede en 367 duiwe het deelgeneem.

- 1. Du Plessis Hokke
- 2. Spartan Pigeons 2
- 3. Spartan Pigeons 2
- 4. Spartan Pigeons 3
- 5. Spartan Pigeons 3
- 6. Spartan Pigeons 3
- 7. Heine Hokke
- 8. Spartan Pigeons 2
- 9. Inkwe Loft
- 10. Inkwe Loft



Op die foto is Flippie du Plessis van Du Plessis Hokke met die wenduif 595.

HEILBRON HERALD

GHOLFDAG

ten bate van

HUIS BRON VAN HEIL

ALLE OPBRENGS TEN BATE VAN DIE INWONERS
♥ VAN HUIS BRON VAN HEIL ♥

Huis Bron van Heil bied, in samewerking met die Heilbron Herald, ons eerste Gholfdag aan.

Ons nooi besighede, verskaffers en die gemeenskap om saam 'n verskil te maak deur 'n span in te skryf, 'n putjie te borg, pryse te skenk of 'n kontantbydrae te maak.

Elke bydrae help ons inwoners.

VRIDAG
14 AUGUSTUS 2026

HEILBRON GHOLFklub

BEST DRIVE BETTERBALL
(2-BAL BETTERBALL)

SHOTGUN-AFSLAAN: 10:00

INSKRYWING

INDIVIDUELE SPELER
R350
PER SPELER

OF

4-BAL SPAN
R1 400
PER 4-BAL

MIDDAGETE INGESLUIT

VEILING
Opwindende items word tydens die gholfdag opgeveil.
Skenkings is welkom! ♥

Elke borg en donasie help ons om fondse in te samel vir die inwoners van Huis Bron van Heil, en dra by om van hierdie eerste gholfdag 'n jaarlikse tradisie te maak.
Saam maak ons 'n verskil!

PUTJIEBORG

SPONSOR 'N SPAN

BORG 'N PRY OF PRODUK

KONTANT-DONASIE

Kom speel saam, borg 'n putjie en maak 'n verskil! ♥

HUIS BRON VAN HEIL

KOM SPEEL SAAM EN HELP ONS MIK VIR GROTER – VANJAAR EN ELKE JAAR! ♥

BESPREKINGS & NAVRAE: | 082 940 0120 | 083 303 9090 | 083 269 9257 (083 269 9257)

VIR DIE BEMARKING VAN U VEE, KONTAK:

HUGO GROENEWALD - HEILBRON
082 569 7205

ARNO SWART - EDENVILLE/PARYS/KOPPIES
067 069 8383

ANITA ELS - GOTTENBURG/WEIVELD
073 220 3515

SKAKEL GERUS ENIGE VAN ONS BEMARKERS VIR U KRAAL BESPREKING

WINKELURE

Maandae - Donderdae:
07:30 - 17:00

Vrydae: 07:30 - 16:30

Saterdag: 08:30 - 13:00

OFFICE HOURS

Elsstraat 44, Heilbron
Tel: 058 852 3033
heraldwinkel@heilbron.co.za

Office National

BKB

The Trusted Home of Agriculture
Die Betroubare Tuiste van Landbou

BELANGRIKSTE veilings

MAANDAG - 3 AUGUSTUS 2026
BADPLAAS Weeklikse veiling
Kontak Themba Shongwe 076 557 9346
WARDEN Maandelikse veiling
Kontak Francois Duminy 082 528 1899
WARDEN: NEL BOERDERY
Staak-beesboerdery Bonsmara-tipe beeste
11:00, veilingsskrale
Kontak Francois Duminy 082 528 1899

DINSdag - 4 AUGUSTUS 2026
DEVON: OPEN RANGE BEEFMASTERS
11:00, plaas Leeuwkop
Kontak Erik Heymans 083 264 5177

WOENSDAG - 5 AUGUSTUS 2026
FOURIESBURG Maandelikse veiling
Kontak Schaik Burger 076 070 1411
BULTFONTEIN Twee-weeklikse veiling
Kontak Piet Ferreira 082 776 1516
GROENVLEI Maandelikse veiling
Kontak Mollie Mentz 083 229 2500
WARDEN: BLOUBERG, SANLEO & LILA SIMBRA
11:00, veilingsskrale
Kontak Bennie van der Merwe 082 414 4228

DONDERDAG - 6 AUGUSTUS 2026
FRANKFORT Weeklikse veiling
Kontak Deon Stegmann 079 878 2109
KROONSTAD Weeklikse veiling
Kontak Schaik Jonker 073 007 0022
ERMELO Weeklikse veiling
Kontak Boet-Jan vd Wath 072 626 9242
DUNDEE Maandelikse veiling
Kontak Riaan Ferreira 082 567 2223
ROADSIDE/VREDE DISTRIK: KEEVERSFontein ROOI BRANGUS
11:00, plaas Alto
Kontak Jandré Moll 082 307 9169
NIGEL: GEEJEE BONSMARAS
11:00, plaas Leeuwfontein
Kontak Carel Davel 082 331 1811

VRIDAG - 7 AUGUSTUS 2026
BETHLEHEM Weeklikse veiling
Kontak Schaik Burger 076 070 1411
STANDERTON Weeklikse veiling
Kontak Carel Davel 082 331 1811
POTCHEFSTROOM Jaarlikse veiling
Kontak Salty de Villiers 073 816 4956
FOURIESBURG: ZINABOS BONSMARA
11:00 plaas Hoogland
Kontak Douw van Wyk 083 458 7353

www.bkb.co.za
BKB Limited 1998/012435/06
Posbus 220, Frankfort, 9830
Tel: (058) 813 1071
e-pos: frankfort@bkb.co.za